

Hmar Christian Fellowship, Delhi

Thupui: Khawvel po poah fe unla thil siemhai po po kuomah ChanchinTha hi hril ro. Marka 16:15

Executive Committee

Chairman Upa Dr Lalsiemlien Pulamte
Vice Chairman Pu L B Tuolte
Secretary Pu Herbert Lalsanglur
Asstt. Secretary Pu Lalthungsiem Thlawngate
Secy Fin (M) Pu Timothy Shakum
Secy Fin (G) Pu Darsuothang
Secy Evan. Pastor Lalditsak Inbuon
Membarhai: Pu Benjamin Khawbung
Pu H K Kawllienthang
Pu Hrangkaplien

Ex-off Members: Deptt Head-hai po
Pastor Laldisak Inbuon

Nuhmei Pawl Committee

Chairperson Pi Haulientling
Vice Chair. Pi Rohlun Hrangchal
Secretary Pi Chonghoi Inbuon
Asst. Secretary Dr Donny Tuolte
Fin. Secy (Gen) Pi Sari Ralsun
Fin. Secy (Msn) Pi Grace Khobung

Membarhai:

Pi Rengi Ruolngul Pi Darlienzo
Pi Hoilam Pi Lalrotluong
Pi Lalhuolhim

Thalai Pawl Committee

Chairman Tv Jessai Shakum
Vice Chairman Tv Johnson Hmar
Secretary Tv Zarzollen Infimate
Asst. Secretary Tv William Darngawn
Fin. Secy (Gen) Nk Esther Lalramhuol
Fin. Secy (Msn) Nk Dorothy Lalneizo
Music Secretary Tv Lalneilien Inbuon
Membarhai:
Nk Thlirawnmawi Nk Kimi Pulamte
Tv Ramngailien Pu Vanlalmuon Joute
Tv Joseph Pakhuongte Tv Stephen L Ruolngul
Tv Jared Vardinthar Varte

Mission Field Thawktuhai

Pastor Lalsiesang Evan Raman Lal
Evan Jostna Lal Evan Rehana
Evan Vanlaltian Amos Tv Joshua Sungte
Tv Sunil Rawat Nk Deepika
Nk Arpita Barua Nk Neha Lal
Evan Phirlienmawi Evan Pramod Kumar

Naupang Sande Sikul

Pu Laltiana Chhangte Superintendent
Pu Timothy Shakum Asstt. Supdt
Zirtirtuhai:
Pu Lalhmingtha, Pi Dr Lalsanghnem
Pi Zolienmawi, Pi Judith Sanate
Pi Lalnunmawi, Pi Vida Lalzarzo
Nk Sari Buongpui, Nk Nienghoikim
Nk Betsy Ramtuokkim Tv.Hrilzarlien.

Vengbuk Inkhawm Thuoituhai

Vikaspuri

Immanuel Khobung, Grace Khobung,
Lalhmingmawi

RK Puram-I

Suothang, LK Thagen, Haulientling

RK Puram-II

Thanglalmuon, Vanlalthang, Chalthanthieng

Safdarjung Enclave

Hrangkaplien, Edward Sungte, Lalhrietpui

Vasant Vihar

Darsuothang, Lalthungnhung, LH Hrangchal

Mahipalpur

Joseph Lalremlien, Robert Khobung, Margareth

Mehrauli

Robert Penatu, Jared V Varte, Kim Thlawngate

South Extension

Lalneihlu, Chawnglienmawi, Stephenie Pudaite

Munirka

C.L.Huola, Lalthuoisuok Pudaite, Lalremruot
Nungate

North Delhi

Dr. Robert Varte, Gordon Amo, Roselyn Buhril

Gurgaon

Alan Sinate, Vanlalthuthlung, Dardingpui

Vol-5. No.11

November 2010



Hrepuitu

HMAR CHRISTIAN FELLOWSHIP DELHI CHANCHINBU

Efesi kohran – hmangaina neilo

(Thupuong 2:1-7)

Tuor dinga ko

Bat tlâk zo lo ding chu

‘Kristien Sungkuo Tha’ crusade ripawt

Mihrâng pasaltha – Pu Hranglamthang

Chuong thil po po chu a hrepuitu in nih. (Luka 24:48)

Hrepuitu : November 2010

Hrepuitu : November 2010

Hrepuitu

Hmar Christian Fellowship Delhi
Chanchinbu Thlakip Suok
Vol. 5 No. 11 (November, 2010)

Editor:

Upa Lalsiemlien Pulamte

Jt. Editor:

Pastor Lalditsak Inbuon

Editorial Members:

Lalchungsiem Thlawngate
Timothy Shakum

Address:

Editor, **Hrepuitu**,
14/16, MS Building,
NPL Colony,
New Rajinder Nagar,
New Delhi - 110060

Tel: 09868183268

Email: hrepuitu@yahoo.com

Lakman:

Copy khat Rs 10.00
Kum khat Rs 100.00

Suttu:

Upa Lalsiemlien Pulamte
(Hmar Christian Fellowship
Delhi aiin)

Hi chanchinbu-a hin Hmar Christian Fellowship Delhi le a rongbawlina chanchin a chuong a. A sunga thuhai hi Pathien rongbawlina hmangruoa hmang nuom ta dingin hmangawng le lâksawng thei a nih a. Thawsuol le sukdiknaw pal thua ruok chu ahmangtu'n maw phur a tih. Ngaidân suklanga um(hai) hi HCF Delhi ngaidan a(n) ni chuong kher nawh.

- Editor

Editorial.....

Gospel Centenary chen tlung kohranhai - Isu Krista mi hmudan iem?

Kum 2010 hi Manipur sim-thlang biela um Hmar nauhai ta dinga Gospel Centenary kum a lo nih. Kristien sakhuoin kum za khat zet a mi lo chênchil tah zing a nih. Gospel zâra mimalin thlarau tienga hamthatna ropui tak tak ei dong bâkah a hnam chena kong tin renga malsawmna dongin changkângna lampui ei hraw thei hi lawm a um êm êm a nih.

Chuong lai zingin kohran têlpui thlaraua ei ngirhmun hriet chieng thain a'n lang. Kum 1910-a Sap Tlangvalin Gospel meiser Senvona hung sita Hmar hnam laia kohran indina umhai hi voisun ni hin Isu Krista'n ieng tin takin am mi hmung a ti aw!

Kalendar kum tiema chun kum za khat hiel ei lo ni tah. Isu Krista min khinaa chun inpâk tlâk ei tling am annawleh soisêl dingin ei um am ti ngaituo a ngai a nih. Efesi kohran anga hmangaina nei lo am ei nih? Smurna kohran anga rinumna le sukdudana tuor am ei nih? Pergamos kohran anga inchûktirna indiklo ngai thei am ei nih? Thuatira kohran anga khawvel inchalrempui am ei nih? Sardis kohran anga kohran thi am ei nih? Filadelfia kohran anga ringum am ei nih? Laodikei kohran anga lum hlak lum lo dei hlak dei lo am ei nih? Ieng ang kohran le ringtu am ei nih ti mâni infiein, Gospel Centenary hun poimaw tak hi Pathien kuoma lawmthu hril malama inendik le insiemtha dingin ei infiel tak zet a nih.

-Upa Lalsiemlien Pulamte

Hrepuitu : November 2010

MIHRANG PASAL THAHAI

Hranglamthang (1897-1976)

Sailienhrang naupa, Zohnathlakhai laia HLAUI phuoktu hmasa tak nia hriet Hranglamthang chu kum 1897-in Mizorama Lengkot khuoah a pieng a. A hming tluon nekin **Pu Lama** tia ko le hriet lar a ni lem. Kum 8 mi vêl a ni laiin a puhai bu chilah an fe tumin thlangdar ni awm takin a mit a zun khum a, na a ti êm êm a, a nuoi a nuoi leh a hung puongsie a, a na ta rak el a, a tawpah a mit pahniin an del pha tah a nih.

A mit an del tan tir lai chun, a nu le pahai kuomah ieng ieng amani, don rinum tak hi an don rop hlak. “Nu tuta hma khan chu arpui sen dâm ka hmu thei hlak a, tu hin chu ka hmu thei ta si nawh, iengtik am hmu thei nawk ka ta?” tia an don chang dâm chu a nuin don harsa an ti thei hle. A mit an del hnung chun khawlai khom suok dok thei loin a chan rinum tak chu tuorin ama khatin in a nghak tlok tlok hlak a. Chuong lai chun an pansakhai inah an khuoa ringthar tlawmte umhai chu inkhawmin hla thar an sak hlak a. Chuong an hla sak laia pakhat, “Hnuoiah hin mikhuol ka nih, Van khi ka in a nih” ti hin a lungril a tawk êm êm a, ringtharhai chu an vangnei bikin a hriet a. Chu ngirhmun chu, mi tu khom, piengsuol mitdelhai khoma chang thei a

nih ti an hril phing chun Kristienah a'n pe tah a nih.

Kum 1913-in a piengthar a, 1916-in baptisma a chang a. A piengthar hnung chun khawhnawma inkhieng thing inhnui tea chun vombu sepin sunnithlakin fienriel tongtai a nei hlak a. Chuong lai chun Sap hla “**Lalpa hung sukhara la**” ti thlukin a hla phuok hmasa tak chu a siem, a thu chu tongtaina thu a nih. Hi hnung hin Zawngin le Khawlienah hai inpêmin thu le hlaah rong a bawl nasa êm êm. Lusei tongin hla 10 le Hmar tongin hla 6, hla pawla sak chi vong a phuok a. Hieng a hla phuok laia tamtak hi hla pawlpua sak chi hla ropui tak tak an ni a, chuong laia a langsar tak chu “**LALBERTE LAL BER**” a nih. Zawngin khuoa hin hun sawttak an um a, kum 1937 vel khan Zawngin-a inthokin Hmar-Chaltlangah an impem a. Chu taka inthok chun kum 1955-in Upa Savung a rawiin Manipur ram Rengkai khuoah an inpem, kum 1976 kumthar tukin Rengkai khuoah a thi.

(Eini laia Kristien hmasahai rongbawlina hlutsak a hlaw theina dingin Gospel Centenary 2010 sung hin an chanchin inchuon a nih. “Thûkna Ropui” lekhabua Pu HK Kawllienthang thuziek ‘Mihrang Pasalthahai’-a inthoka lâksawng a nih. – Editor)

Inhriettirna le ngenna

Mi tuel khom sermon, Pathien thu tieng artikul, testimony le thuthar/hlathar donghaiin hi Chanchinbua insuo ding in hung pêkthei zing. Chun, hi Chanchinbua ei kohran chanchin le rongbawlina ei insuo hai hi mimal le vengbuk inkhawm tongtaina subject-a hmang nghal dingin ei infiel bok a nih. Chu khêlah, Pathien rama thahnemngai a, ei Chanchinbu page sponsor nuom dâm ei um chun phêk khat peiah Rs 100-a sponsor thei zing a ni bok.

- Editor

Hrepuitu : November 2010

Tuor Dinga Ko

-Evan. Phirlienmawi, Mainpuri (U.P.)

Kum zabi tam tak liemtah khan Krista zârin mi hrat khawkhêng le mi huoisen tam takin namên loin an lo tuor ta a, chuong hun lai chun miin 'kristien ka nih' a ti chun dit thlang ding dang a nei nawh a, 'TUOR' ti hi a ni top el a nih. Kristienhai tuorna tuokdan an ang nawh - thenkhat taksain an lo tuor a, thenkhat lungril inrimnain, chun thenkhat dang ruok chu taksa khawsak harsatnaa tuor an um ve thung.

Ringtu hmasahai lo tuorna ei ngaituo chun tulai eini ringtuhai tuorna leh khaikhin ruol an nawin ka hriet. Kei kan en lem hin chu ti tak êmah Pathien ta dingin ka la tuor tlawm taluo niin ka'n hriet.

Tirko Paula'n Filipi 1:29-ah "Krista ring el chauh khom ni loa a ta dinga tuor dinga rongbawlina sin inhlan in nih" a lo tih. Pathienin mi tam tak a ko, ieng leiin am? Krista tuornahai tuorpui dingin. A hniekhnung zui ei ni leiin ei tuor ding a nih (1 Peter 2:20-21). Krista hming leia tuor le ring theina dinga voisun chena Lalpa'n kot a mi la hong pêk hi hun tha a ni leiin lawm a um.

Baptismal Service, 14 November 2010, Pathien ni inkhawm tin, dar 5:30 p.m. khan Apostles' Methodist Church, RK Puram, New Delhi-ah nei a nih. Hi taka hin Mainpuri Mission Field-a ringthar mi pali – Mrs Pinky, Miss Sony, Miss Nootan le Miss Suman hai chu Pastor Lalditsak a kutah baptisma an chang. Lalpa ta dinga ring an uma thlaraua an puitling pei theina dingin tongtai pêk ei tiu.

Hmar Gospel Centenary Lawmna, 9-12 December 2010, Saikot, Churachandpur-ah Hmar Christian Leaders Forum huoihotna hnuaia hman tum a nih. Hmar hnam sunga kohranhai lungruol taka hmunkhata Gospel Centenary ei hman tum a ni a, HCF Delhi khom thang dingin an singsa. Ei kohran ai awin Upa Lalsiemlien Pulamte (Chairman) le Pastor Lalditsak Inbuon hang thang an tih. Chun Thalai Pawl hai khomin hlapawl sak le skit inentira rongbawlina hang nei an tum bok a nih.

Puitling Sande Sikul le Naupang Sande Sikul Kum tawp Ekzam chu 28 November 2010 khan nei a nih. Naupang tieng ekzam pe an thahnem khop el a, puitling tieng ruok chu an tlawm.

Voisuna ringtu inti, a tamlem hai hi suol ei thaw leia tuor dam, ei invet leia tuor dâm le suol khawvêla ei chêng leia tuor dâm ni tawl ei tih. Tirko Peter ruok chun tuorna hung inhersuokna chu ei sin thaw that lei a nih a lo tih. Nang le kei Setan bawia intanghai sansuokna dingin suol nei lo, Isu Krista chun nasa takin a tuor an nawm a nih. Evangelist, pastor, kohran upa le kohran membar khom nisien Krista hniekhnung zuitu ei ni si chun mi danghai enton dingin ei tuor ve a tul an naw manih?

Krista'n a tuornahai hi ei nuna ei enton dinga a mi lo maksan pêk a nih. A tuorna leiin nang le keiin chatuon hringna ei lo chang. Tirko Paula chun tuor hnungin ei ringna hi a suk chieng zuol a nih a lo tih. "I thil tuor ding hi ti naw. Thi chenin ringum takin um pei la, hringna lallukhum pêng ka ti che" (Thupuong 2:10).

Lalpa ta dinga tuor inhuoma a sinhai ei thaw theina dingin ama chun mi sukhratin a hmangaina tharin ni tin mi thuoi pei raw seh, Amen.

Sermon.....

Efesi Kohran – Hmangaina Neilo (Thupuong 2:1-7)

-Upa Lalsiemlien Pulamte

Rom lal Kaiser Augustin hun lai khan Efesi hi a ram op, Asia khawpui dingin a lo ruot a. Kha huna khan hi khawpui hi sumdawngna, sorkar ro inrelna le sakhuona thilah hmupui tak a tling phâk a nih. Khawvel hluia thilmak sawm hai laia thang phâk zet, Temple of Diana (Artemi Tempul) khom hi khawpuia mi a nih. Khânglai huna mipui inhnik zawng chu dawithiem, khawhri le ram huoi biek a nih. Efesi kohran hi Tirko Paula'n a phun a, kum thum lai a umchil a, chun hi taka inthokin Asia bielâh Chanchin Tha chu a'n dar ta pei a nih (TT 19-20; 20:31; 19:10). Paula zoah Timothe-in hi kohran hi a enkol (1 Tim 1:3). Tirko Johan-in a rongbawlina dingin thangkawnna takin a hman bok.

Isu Krista le Efesi kohran inlaichinna:

Rangkachak khawnvar siena pasari laia a kut changtienga arasi pasari chawia inlon inlon hi Isu Krista a nih. Arasi pasari chu kohran pasari vantirkohai an na, khawnvar siena pasari chu kohran pasarihai an nih (1:20). Hi taka vantirko a ti hi koranhai vengtu dinga a hrana vantirko ruot amanih kohran enkoltu le aiawtu theia ngai hieng pastor, kohran upa a kawthi bok a nih. Chun, hi lekhaton hi mimal kuomah thon ni loin kohran pakhat kuomah thon a ni leiin 'vantirko' thumal hin kohran pumpui a hrilna ni dinga ngai thei bok a nih. Changtieng ti hin chawimawina le iengkim chungathunei nina a'n entir (Ef 1:20; Mk 16:19; Sam 110:1). Isu Krista chu kohran chungathunei le a thuoi le enkoltu hai chungathuneitu tak a nizie le an mawmaw petu a nih. Kohran neitu chu Isu Krista a ni ti a'n entir bok a nih. Thlarau Thienghlim fe thlengin Isu Krista

chun a kohran hai a enkai zing a, a kan zing a, a umpui zing a, chun kohranhai biekthei ding le hmuthei dingin anni lai a um zing bok a nih.

Efesi kohran inpak a umna:

"I thilthawhai ka hriet, i sin inrimzie dâm, i selzie dâm, mi rilohai i ngai thei nawzie dâm, tirko ni si lo tirkoha insalhai chu fiea, a tehlem an nih ti i man suok thuhai dâm ka hriet a. Ka hming leiin sel takin, harsatnahai beidong loin i tuor tihai khom ka hriet" (2:2-3). Hi baka hin Isu Krista'n a theida zawng, Nikolahai thilthaw Efesi kohranin a theida thua inpak a hlaw thu khom ei hmu bok (2:6).

Efesi kohran hi thilthaw rawna hriet (activity-filled), an thilthawa hlawtling tak le inpaktlâk an tling a nih. An thilthawa chun thahnem an ngaiin Lalpa hming leia sin an inrimzie hai khom hril a hlaw êm êm. Harsatna le rinumna an tuor ding khom nisien an thilthawa chun an teirei peiin an nghok nawh.

Mi rilohai tia a hril hi chang 6-a Nikolahai a hril hai hi ni dingin ring a um. Hi pawl hi hrildan le ngaidan chi hnih a um. Pakhatnaa chun, anni hi Nikola zirtirna indik lo zuitu pawl an nih. Anni hi Balaama pawl ti an ni bok a, hurna tienga

inhmang poiti naw pawl an nih (2:14; Nam 31:15-16). Ngaidan pahnina-a chun 'nikola' ti thumal hin 'mipui chungathunei/rorel' ti a kaw k a, hi pawl hin kohran rongbawltuhai hi kohran mipui hai chungathunei/roreltu (rulers) an nih ti ngaidan kengkawin rongbawltuhai chu chawimawina le thuneina insang tak an pek. A ieng ieng khom lo ni sien, Efesi kohran hin thuring indiklo le suol thawtu hai chu nasa taka doin chu pawl thilthawhai chu a theida ti ei hmuh. Thilsuol thaw hi khak le do vat a ni naw chun thuring indiklo zuitu pawl an hung pieng thei a nih. Efesi kohrana thilsuol thaw hrila la um chauh kha Pergamos kohrana chun thuring indiklo pomtu pawl kohran lai an hung inzelsa hman a ni kha. Hi hi Pergamos kohranin a tirin a lo ngaitha lei a nih. Thilsuol thaw le thuring indik lo hi a hun takah do le nuoibo vat a lo poimaw a nih.

Tirko ni si lo tirkoa insalhai a fie hlak a. Tirko Paula'n Efesi upahai an thla tawpnaa chun kohran lai satene kol tak takin beramhai an hla naw ding thua thil tha lo hung tlung ding thu a lo hrillaw k a (TT 20:29-31). Satene kol a ti hi thuring indik lo inchuktirtu an ni thu 1 Tim 1:3-ah ei hmuh. Thuring vong kongah Efesi kohran hi a puitlingin inchuktirna indik lo fiena kongah khom inpak tlak a tling takzet a nih. Tirko Paula infuina thu kha an ngai poimawin an lo inring lawk khom niin an lang.

Efesi kohran chun Isu Krista hming leiin sin inrim takin an thaw a, sel takin, harsatnahai beidong loin an tuor ti ei hmuh. Thuring vongna kongah ngetna tak le thilthaw kongah takinningna tak le tuorselna tak khom a nei. Sienkhom thil poimaw tak pakhat bak an nei tlat a nih.

Chu chu an sukel naw chun an chungathil rapthlak tak tlungthei ding ngirhmunah an um ve tlat a nih.

Efesi kohran inthiem nawna:

A thilthaw thathai Isu Krista'n a hril pek hnungin a thil ngai poimaw thu "inthiem nawna che ka nei: i mi hmangai tir ang khan i mi hmangai ta nawh" a hril a (2:4). Efesi kohran chun Isu Krista a hmangaina hmasak kha a ban a, a maksan tah. A tira Lalpa an hmangaina, a ta dinga an inpumpekna le an thahnemngainaa inthok khan dam te tea intawl hmangin Lalpa neka hmangai lem an lo hau tah vieu ning a tih. Lalpa hmangaina, a ta dinga inpumpekna le inpawl na ngai poimaw nekin rongbawl na le thilthaw an lo ngai poimaw lem tah a. Pathien rama hin Krista ei hmangaina thang lo damin, Pathien ei ringna thang lo damin, ama leh intlona inpawl zing lo damin a rong bawlin sin inrimthei a lo ni ding a nih. Tirko Paula'n Thesalonika kohran hai kuomah 'ringna leia in thaw suok hai, hmangaina leia sin in thaw inrimzie hai le ei Lalpa Isu Krista beiseina in nei ngetzie hai kan hriet zing hlak' (1 Thes 1:3) a lo tih a. Lalpa ta dinga ei rongbawlnahai hi ringnaa inthok suok ding an nih a, kohran sin inrimna hai khom hmangainaa inthoka suok ding an ni a, chun kohran hai ngir ngetzie khom Krista beiseinaa inngat ding a nih. Krista ei hmangaina le ei ringna haiin a ta dinga thilthawhai a rasuok lem ding a nih. Efesi kohran hai hin Lalpa hmangai si loin a rongbawl naa thahnem an ngai a, rongbawl na hi mawphurna tlakna chauah an lo ngai ta a nih. Inthuoi dan le rongbawl dan lampui siem puitling tah kohran ta ding chun rongbawl khom chu thawdan

khawtlang siem that ding chun sungkuo tha a tulzie hai hril le ngaithlak a ni bok. Nupa nun a hlim ta naw a, nu le pa tak an inrem ta si naw chun nauhai rinum a ti thuhai dam hril le ngaithlak a ni bok a. Nupa inremlo tlat chun Kristien sungkuo tha indin tum chu thil thei lo a nizie hai hril a nih.

A pahninaa chun, nau enkol dan hre si loa nau nei ei tam em em thu dam a nih. Nu inti le Pa inti ei tam vieua chu Patling, Nutling ruok chu ei tlawm em em a ni thu hril le ngaithlak a nih. Nau enkol le sungkuo enkai hi nupa inthuruol lo chun thaw thei ruol a ni naw a, team work a ni leiin nupa inthuruol phot, hohlim rawna inrawntuo ngun a tul hle thu hai hril a ni bok a.

A pathumnaa thuchai le hriltlang le hi inkhawmpuia nu le pahai lungmila um tak chu, sungkuo maicham a nih. Sungkuo maicham ni tina hmang chu Delhi-a hin hril khop ei um naw a nih. Papui pawl hohlimnaa chun Pahaiin nuhai an thlop hne naw leia sungkuo maicham tha taka hmang thei lo a ni thu hril a nih. Papui po po chun 'kan sungkuo maicham kan nei thei nawna san chu kei ka zir naw lei a ni tak' an ti seng a.

Nupui le Papui seminar-cum-crusade tiin hi prokram hi ko inla inhme tak mei a tih. Hi prokram hi a hlawtling le a hlawsam chu hunin a hung rel dingah sieng ei tih. Nu le Pa a thanghai po chun sungkuo maicham indin thar nuom sengin

mani in tieng ei fe kir seng a. Papui thenkhat chun 'bat ei hau ta tel tel ngei' an hung tih a. Hi hi mi tin lungmil niin a'n lang a. Chuleiin, ei prokram hi a hlawtling ngei ei beisei tlat a nih. Tuhin ni tina sungkuo maicham indin tharin hun ei hang hmang tawl mek chu a ni a. Lalpa'n mi thuoi ngei a ta, Kristien sungkuo tha tak tak India khawpui, Delhi-a ngei hin an la hung suok pei ei beisei a nih. Pathien ti hnam hai chu an boral ngai naw a, chuongang hnam tungding ding chun Kristien sungkuo tha ei indin phot a tul a nih. Ram le hnam tungdingtu dingin Manipur, Mizoram, Assam, Meghalaya ei unauhai kuta inngat bik an nawh. Ram le hnam ei tungdingna ding hmun chu Delhi-a ei insung sengah a lo ni zing a, a tungdingtu ding khom eini ei lo ni zing a nih. Chuleiin, hi chanvo ropui tak le inza um tak sukputling dingin thei tawp suo tak meui ei tiu.

* Hi huna hril tlang thenkathai chu hieng Mothers' day, Fathers' day, Children's day tihai hi hmang ve ta inla, Nu mawphurna, Pa mawphurna, Naupanghai mawphurna dam hrilin inchawimawituo bok inla a tangkai el dim ti dam a nih.

* Kristien sungkuo tha ei indin tawl ngei theina dingin mi tuel khom artikel tlawmngaia hung ziek dingin ei hung infiel nghal a nih. Ram le hnam, ei nauhai kuta la hung um ding i hmangai tak tak chun hung ziek ngei rawh.

Ei tung luoiuoi Christmas ei lo tung nawk ding ani ta a, tukum khawm ruoi le puithu taka lawm nawk dingin program siem mek a nih. Christmas le Kumthar lawm sung Pathien hminga tucha inthaw k nuom, mi tlawmngai nunghak le tlangval ei um chun Pu Timothy Shakum 9711467616 kuoma inhrietir dingin eiin fiel.

Ripawt.....

2010 Nupui Papui “Kristien Sungkuo Tha” Seminar cum Crusade

-Pastor Lalditsak Inbuon

Kum 2010 hi Gospel Centenary kum khom a ni a, Pathien kuomah lawmthu hril kum, hlim taka Pathien chawimawia inpak kum bik a nih a. Chu le inruolin insiemthar kum ni ngei sien ti chu HCF Delhi thuoituhai le mi tam tak ngaidan a nih. Chu ding chun sungkuo tin indin thar nawk phot chu ei thaw ding tam tak laia a poimaw zuol bika ngaiin nupui le papui hai ta ding bika prokram siem ngei nisien tiin kum bul lai khan ei thuoituhai chun an lo rêl a.

November 5-7 sung khan chu hun chu Bethesda Social Service Center, Mahipalpur-ah hmang a lo nih. Ei Fellowship-a nupui le papui chu 90% vèl ei thang vong a. Lo thei loa buoina nei ti lo chu ei thang kim deu vong niin a'n lang. Nupui pawl le Papui pawl a hrana hohlim tlâng dâm ei nuom ding a ni leiin mi thuoitu ding mi pahni thei sien, chun nupa dâm ni thei hai sien ti a nih a. Voi tam tak ei tongtai hnungin Rev. Lalchawlthang Thiek le a nuhmei Pi Lienkhawtling hung thei ngei hai sien tiin hang biek an nih a. Anni khom an nauhai hung maksan topin an hung a. Prokram hlawtling taka hmang zo theiin a um a, Pathien kuomah ei lawm tak zet a nih.

Hi prokram hin a thil tum tak chu “Kristien sungkuo tha” indin a nih. Kristien sungkuo tha indin dinga thil poimaw tak tak hieng - sungkuo maicham, nupa nun le nau enkol danhai hi hril tlâng le ngaituo tlâng a nih. Thuhriltu dinga ei incha thlak hai hi nuhmei pasal an innei hmaa inthoka ‘Kristien sungkuo tha’ ti hi nasa taka lo invoitu le ngaituona tam tak lo seng hlak an nih a. Lekhabu tam tak lo tiem le artikul tam tak zieka hi lai thu hi voi tam tak ei ram le hnam hai lai lo thedaru an ni bakah, nun ram ngeia kristien sungkuo

tha indin tum le indin mêktu an lo ni leiin an thu hrilhai hrim hrim ngai hlut a umin a ropui thei khop el. Mihriem ei hung inthang lien pei le inruolin ngaidan fim ei hung nei pei a. Tulai chu pulpita inring tak taka khêk nazong hi ei ring vong chuong ta naw a, nun rama palhaiin an hril hi an thiem ta'm an thiem naw ta'm ngaihlutna chang ei hung hriet ta pei a. Pu Lalchawlthanghai nupa hi nun ram ngeia mi hung hriltu an ni lei takin ei ngai hlu êm êm a nih.

Papui pawl le Nupui pawl a hrana hohlim tlângna a um a. Hi taka hril tlângna le resource personhaia inthoka hriet le inchûk tam takhai laia a then then hung tarlang ei tih.

A pakhatnaa chun, nupa nun hre siloa nuhmei pasal innei ei tam êm êm thu hi a nih. Nupa nun ti hin a huop lien hle a. Pa mawphurna, nu mawphurna tihai hi sui bik deu a nih a. Pain a mawphurna a thaw zo naw leia sungkuo chim dâm, nuin a mawphurna a thaw zo naw leia sungkuo chim dâm ei hnam lai hin a tam êm êm thu dâm hril le ngaihlak a nih. Thina lei khom niloa nupa inthe tam tak ei um thu dam hril a nih. Chun, sungkuo hi Setan bituk (target) hmasa tak ei nizie le fimkhur a tulzie hai le

pangngaiah neia a hlawtling dân khom hretah mei an tih. Chuleiin, Efesi kohran hin sinthaw khom a hau a, a sinthawhai khom a hlawtling tawl. Sienkhom puotienga inlang thilthawhai chun lungril hmutu Pathien chu an hlem thei nawh. An lungrilah Pathien hmangaina a'n leng naw leiin Isu Krista'n nasa deuin a dem a nih.

Efesi kohran kuomah (Ef 6:24) Lalpa Isu Krista, chuoi loa hmangaituhai an nizie thu Tirko Paula'n a ziek a. Tu hin hun tawite sung, kum sawm thum chuong metah Krista an hmangaina an lo maksan hman a lo nih. A hmaa kohran hrisel le hring êm êm chu tu hin kohran soisêl um an lo inchange el tah. Efesi kohranin thilthaw le rongbawl na hau hle sien khom hmangaina thang loa an thaw a ni leiin Isu Krista lung a awi naw a nih. Ama an hmangaina hmasak maksana rong an bawl hi Isu Krista'n a'n thiemnawna san a nih. Ama hmangai nêkin ama hminga rongbawl na chu an ngai poimaw lem a. Isu Krista leh inpawl na hun pe loin rongbawl na ngotin hun an hmang lem tah. Martha angin Isu Krista ta dinga rongbawla buoiin ama leh inpawl na hun an pêk ta naw a nih. Rongbawl na Isu an hmangai ding a hluopêk a nih. Mipui mithmua chun kohran hring, kohran inthang, kohran taima, kohran thilthaw hau le kohran hlawtlinga inlang ni siin a neitu Isu Krista hmudân ruok chun hmangaina tlûksan kohran lo niin an thilthawhai khom Krista hlutsak an hlaw naw a nih. Isu Krista chun ama leh inzom zinga ra insuo dingin a mi dit a (Johan 15:1-7), ama leh ngaina taka intlona rongbawl tlâng dingin a mi fiel a nih.

Isu Krista le a kohran hai inlaichinna hi hmangaina chaua inthlung ding a nih. **Hrepuitu** : November 2010

Mo le moneitu inlaichinna khom hmangaina a nih. Tirko Paula khoma Korinth kohran hai an voina bék bék chu Krista mo dinga a huolpêk tah ni siin nakie leh Krista tienga an lungril thienghlim le mawi tak kha iemani tiin sukkhawlopek an tih ti an lau êm êm a nih (2 Kor 11:2-3). Krista tienga lungril thienghlim le mawi tak an put chu uire loa Krista ta dinga ringum taka an uma an hmangai tlat kha a nih.

Isu Krista mi hung zongsuokna khom hmangaina lei a nih. Mi hmangaia ei ta dinga kraws lêra muolpho taka thi chun ama ei hmangai lêl ve a phûl a nih. Pathien chu thîkthu sie a ni leiin (Ex 20:5; Nah 1:2) ama hmangai loa thil dang ei hmangai hin a lungril a na êm êm hlak a nih. Isu Krista'n thupêk thar pahni a pêk hai – (a) lungril po poa, thlarau po poa, ngaituona po poa le hratna po poa Lalpa Pathien hmangai ding le (b) mândi ei inhmangai anga vênghai hmangai ding (Marka 12:28-31) khom kha hmangainaa inthlung an nih. Mihriem tong le vantirko tonghaiin thuhril theina nei inla khom, thu inthup po po hre inla khom, tlâng son theina khop hiel ringna nei inla khom, mani nei po po pasiehai ta dingin pe vong inla khom, uongpui dingin ei taksa meiah inhlân inla khom hmangaina ei nei si naw chun ieng khom ei ni nawh (1 Kor 13:1-3).

Ringnaa ei kalchawinaa hin ieng tin am Isu Krista ei hmangai tîr lai anga ei hmangai ta naw a nih ti hrethei ei ta? Ama thutak bia tongtainaa Krista leh inpawl na ei thlâkhlâ ta naw pha, Lalpa lawmnaah ei lawm ve ta naw pha, Lalpa'n a theida zawng hai thawa ei um pha, Lalpa nuom zawng ei nuom zawng an ta naw pha, Lalpa (kohran) rong inhawk tak

le lawm taka ei bawl ta naw pha, Krista thupêkhai hi ama hmangaina suklagna dinga zawm nêka hmun hluotu chauah ei ngai pha, Lalpa lawmna nêka mihriem lawmna le inpakna ei zong pha, mi'n an mi hnawh le theida ti leia Isu Krista chanchin tha ei puongdar nuom naw pha, ringnaa a hratnaw lem ei unau theida zawng le tlûkna ding ei thaw pha, ei theida zawng thawtu unau ei ngaidam thei thak naw pha le ei kawh le kienga suol sinthaw ei engto tanaw pha hin Isu Krista ei hmangai tir angin ei lo hmangai ta naw ning a tih.

Efesi kohran kuoma thucha le zilna:

“I mi tlûksan nasatzie hi ngaituo la, sim la, a tîra i thaw ang khan thaw nawk rawh” (2:5). Isu Krista ei hmangai tîr anga ei hmangai ta naw hin thil thawsuol ang mei meia ngaiin poi ei ti rak naw thei. Isu Krista ngaiyah ruok chun tlûksanna nasa tak a nih. Isu Krista leh an inlaichinna (hmangaina) suvul dingin thil poimaw tak tak pathum thaw dingin Efesi kohran hai a hril a, chuonghai chu:

(a) Ngaituo la: Tuta an ngirhmun le Krista an hmangai tîr laia an nun inthlau tâkzie ngaituo kîr dingin inhriettir an nih. Kristien nun hlimna le lawmna an nei ta naw thu dâm, Isu Krista le inpawlina an thlâkhla ta naw thu dâm, thahnem ngai taka a rong an bawl ta naw thu dâm ngaituo dingin a hril a. Chun, an piengthar hlim laia Krista an hmangai dân dâm, thahnem ngai taka rong an bawl lai hun dâm le chu hun chu thlâkhla a um dân dâm ngaituo kîr dingin Lalpa'n a fiel a nih.

(b) Sim la: Hi hin lungril le thilthaw inthlâkthleng an entir a nih. Tuta thawdan le ngaidan hai an dik nawzie hrea nundan thar le indik lem hraw dinga lungril siemthar le thilthaw inthlâkthleng a nih. Chun, sim ti hin suol inpuongna le suol thuphachawina a thangsa ngei bok a nih.

(c) Thaw nawk rawh: ‘A tîra i thaw ang khan thaw nawk rawh’ tiin infuina a pêk a. Nasa nawk zuola rong bawl ding le thilthaw tam lem thaw dingin a phût nawh. Chu nekin a tîr, Kristien an ni hlima an thaw hai kha thaw thar ding le Kristien ni hlima thaw awm hrim hai thaw dingin a ngên. Hmangaina meiser lo rêm tah chu sit thar nawk dingin a tih. A tîra an thaw hai iem a na ti Johanin hril naw sien khom suol sim le thuphachawi dâm, tongtai taimak dâm, Pathien thu tiem le ngaituo dâm, kohran hai le Pathien thua inpawl dâm, Krista'n an lungril a hloua an nun a keithuoi pêk dâm, ringnaa inngat Kristien nun dâm ni ngei dingin ring a um.

Isu Krista chun ama le Efesi kohran inlaichinna tungding nawk tumin sim dingin hmangai takin a zil a. An hmangai tîr laia an inlaichinna le an inpawlina hai kha Isu Krista'n a thlâkhla bêk bêk a nih. Jeremia huna Juda hnam Pathien laka an porchezie a hmuin Lalpa chun Israel mipui hai Aiguptaa inthok a sansuoka thlalêra an zui lai hun thu dâm a'n zawt a (Jer 2:2). Kha huna Israelin Lalpa Pathien a hmangai dân chu tleirawl le mo thar angin Pathienin a tekkin pêk a, kha hun kha a thlâkhlain a theinghil ngai hrim hrim naw thu khom a hril bok a nih. Chuong ang bokin ama ei hmangai tîr lai hun kha Isu Krista'n a thlâkhlain a theinghil ngai naw a, chuong ang hun chu um nawk sien tiin a mi ko a nih.

Hmangai leia zilna Efesi kohranin a ngai thlâk naw ruok chun a chungah thil raphlak tak a tlung ding ti hrillawkin a um a. “I sim naw chun i kuomah hung ka ta, i khawnvar siena kha a hmuna inthokin son hmang ka tih” tiin Isu Krista chun vaulawkna a pêk a nih. Khawnvar siena hin kohran a'n entir thu ei hril tah a. Isu Krista a tîra an hmangainaah an kir naw chun Krista kohran an nina, Krista hrepuitu an nina, Krista eng suklangu an nina le Krista'n a chênchilna chu lakhmang

pêk an ni ding a nih. Jerusalem tempul suksiet a ni tawma Pathien ropuinain a suoksan (Ezek 11:22-23; Mat 23:38) ang khan Krista'n Efesi kohran khom a la rausan ding a nih. Tu hin Efesi kohran hmu ding a um ta nawh an ti chu! Krista êngin Efesi kohran a maksan a, hmuding a um ta naw a nih.

Johan 15:1-6-a chun Isu Krista'n “Keimaah um zing ro, kei khom nangniah um zing ka tih. . . . nangni khom keimaah in um zing naw chun ra thei naw ti niu. Tu khom keimaa a um zing naw chu kau sât thlak angin an peihawn a, a hung vuoi a, an rut khawm a, meiah an pei a, a kâng hlak” a tih. Grep ra tak tak insuo ding chun Isu Krista le inzom zing a tul. Hi thu poisa loa Kristaa um zing naw chu kau sât thlak anga mea kâng hmang ang an nih. Efesi kohran khoma chu ngirhmun chu an lo chang a nih. Lalpa Pathien chun sim nuom lo Israel kuomah “in mi hmangaina chu tieusûm ang, zing daidaw ral nawk el ang a nih. Chuleiin, ka rawt nawi hlak cheu a ni kha, ka sukhlum hlak bok cheu, Inthawina nêka ka dit lem chu hmangaina detdo a nih; pumraw inthawina nekin Pathien hrietna ka dit lem (Hos 6:4-6)” a tih. Pathienin hmangaina detdo nei dingin a mi Israel hai a phût a, chu ding chun kong dang dangin a thunun hlak a nih. Thununna ei la tuok lai hin thoharna ding kot a la'n hong tina a nih a, amiruokchu ei chungah Pathien rorelna tawpkhawk (ultimate judgement) a hung tlung meu chun damsukna ding a um ta ngai nawh. Chuleiin, “Na nei chun ngaithla ngun raw se” tiin a hril a nih.

Thutiem chu: Thlarauin kohranhai kuoma thu a hril hi hriet theina dinga na nei chun ngaithla ngun raw se. A hnetu taphot chun Pathien paradis-a hringna thing ra fa thei an tih (2:7). Thlarau Thienghlim fe thlenga kohranhai kuoma thuhil hi damna ding le chatuon dai a tling leiin ngun taka ngaithla dingin a mi'n fui a nih. Pathiena pieng taphot le Isu hi

Pathien Naupa a nih ti ringtu taphotin khawvêl a ngam hlak (1 Johan 5:4-5). Suol thilthawtheina po po hnetu, Isu Krista ei ringna leia ama'n suol a hnena chu ei intawmpui a nih. Chuleiin, ringtu taphot chu Krista zara hnetu an nih.

Khawvêla ei khawsak sung hin ringtu taphotin hmêlma le hne ding ei nei a. Isu Krista chun “Hi khawvêla hin buoina tuok hlak in tih. Nisienlakhom huoi takin um ro, keiin khawvêl ka ngam tah (Johan 16:33)” a lo tih. Ei hmêlma Diebol chu sakeibaknei inrûm anga se ding zonga a mi ve zing leiin ngaiven le fimkhur dingin a min fui bok (1 Pet 5:8-9). Thlarau le tisa tieng thil an inkal ton tlat leiin thlaraua ei um chun tisa châkna suol chu ei suklawm da'l ding thu khom Gal 5:16-17ah ei hmuh. Ei dohai hi khawvêl inthim chungah rorêltuhai le van hmuna thlarau suol umhai ni sien khom Pathien ralthuom kima ei inthuom chun anni hai ei dang thei a, ei dang hnunga khom ei dingchang thei a nih (Efe 6:10-13). Hieng thila hnetu taphot khom Isu Krista'n a la chawimawi ding a nih.

Paradis ti hin vanram le Jerusalem thar, nakie phaa Krista zâra mifelhai umna ding hmun a'n entir a. A thumal umzie chu 'hmun inhoi' amanih 'huon' tina a nih. Eden huon khom kha paradis tia hriet a ni bok. Isu Krista'n ei Eden chul tahnung chu mi hung indin thar pêkin ei umna dingin vanram a mi buotsai pêk a nih. An bawsiet hnung khan Adam le Evi chun hringna thing ra faa suol nei zing puma chatuona an hring inlauin Pathienin Eden huona inthok a hnot suok a (Gen 3:22-24). Tu ruok hin chu eini, Isu Krista (Adam Pahnina) ei ringna zâra suol hnetuhai hin Pathien paradis-a chatuona hringna ei nei thei thu a mi hril a nih. Tiemtuo po po Lalpa'n malsawm raw se cheu, Amen.

(Eini lai Kristienna kum zabi pahnina ei sir tan mêka hin hi hun hi kohran le mimalin thlîrkîrna le inendiknaa ei hmang beiseiin Thupuonga kohran pasari hai chanchin sui a nih – Editor).